



# Holãd

**Kaart van Holland, Sebastian Münster, 1565**

<https://hdl.handle.net/1874/20399>





tour à la foy de Iesus Christ par leur doctrine, & les tiendroyent soubz leur iurisdiction. En ce temps la il y auoit des euesques plains de deuotion & saincteté, qui appliquoyent leurs espritz plus tost aux choses spirituelles qu'aux temporelles; & pour ceste cause les empereurs & les roys enclins a leur bien faire, leurs donnoyent des terres & des peuples, et les faisoient dispensateurs des siez enuers les ducz & les comtes, comme l'an de salut 1021. plusieurs comtes se presenterent pour faire hommage et estre vassaux d' Adelhold euesque du

HOL-5



Traict en la presence de l'empereur Henry. Quand les empereurs donnoyent ainsi les terres, c'estoit soubz ceste esperance d'y mettre & ordonner des gens de bien, euesques & abbez pour gouverner les regions & peuples: & ceux qui rendoyent vassaux, s'attendoient bien que ceux à qui ilz faisoient hommage, menassent vne vie honneste & Chrestienne, & qu'à leur exemple ilz fussent induictz à reformer aussi leur vie. Parquoy il est aduenu, que quand les euesques viuoyent sainctement, quant & quant estoient chargez de plus grandes richesses: lesquelles ilz employoyent par le consentement des empereurs, à bastir des temples magnifiques & monasteres, & à fonder des prebendes de grans reuenuz. Il n'y auoit point alors tant de ducz, ne tant de degrez de comtes comme il y en auourd'hui: entre lesquels les terres fussent distribuées. Mais depuis que les euesques commencerent à laisser la crainte de Dieu, & à deuenir trompeurs, auares, ambitieux, orgueilleux, mondains, dissolus & pompeux, & à changer leur vie honneste & religieuse en vne vie dissolue & pleine de pompes & vanitez, aussi toutes choses commencerent à se changer. Car abusans de leurs richesses, ilz ne bastissoyent plus de temples & monasteres, mais des chasteaux, villes & fortresses pour tenir bon contre leurs ennemys. Ainsi vn euesque de Traict nomme Godfrey bastist contre les Holandois Montfort & Vordé, contre les Gueldrois Horst, & contre les Frisons Vollenhoven scuol. Brief la plus grand part des euesques sont deuenuz princes seculiers, & menent aussi bien les guerres comme les autres, & ne monstrent point moins de pompes & boubans que les autres. Or les choses n'estoyent pas telles du commencement, & le filz de Dieu n'a point voulu auoir de telz successeurs, veu que son royaume n'est pas de ce monde. Apres donc que l'empereur eut ainsi richement doué l'euesche de Traict, Charles le chaulue roy de France auoit vn gentil homme en sa court nomme Theodoric, lequel il ordonna gouverneur sur le pays de Hollande. Ce Theodoric commença à arracher quelques plumes de Hollande: et par ce moyen sourdist inimitie perpetuelle entre le comte d'Holande & l'euesque de Traict. Les comtes auoyent pour eux les roys de France, & les euesques out eu de leur costé les roys des Romains, lesquels ont esté fondateurs de l'euesche. Le comte Theodoric 4. de ce nom prins, Adelhold qui fust le 19. euesque, & le detint prisonnier trois ans entiers à Iselmonde. Ce discord entre les comtes & les euesques a duré iusques à nostre temps quand toute la terre a esté reduyte soubz vne mesme seigneurie: lors la source de toute le discord fust esteinte. Or le pays d'Holande, qui est vne region de la Germanie, est enuironnée de la mer du costé de Septentrion, et le reste est enclos des bras du Rhein, et par ce moyen elle est enfermée d'eues de tous costez. C'est vne isle marécageuse, garnie de bons pasturages, de beaucoup d'estangs, et bournée de la mer. La principaulte de l'eglise de Traict est auourd'hui subiette à l'empereur, et comprend vne largeintz du costé de midy, et les Frisons du costé d'orient. Le traict est vne ville riche et biē peuplée. L'euesque peut mettre en campagne quarante mille hommes en necessité de guerre. Les gens du pays ont de la ceruoise pour leur breuage, toutesfois ilz ont du vin que les marchans font venir d'ailleurs. Il y a eu beaucoup de seditions de fresche memoire en ceste ville: d'autant qu'aucuns fauorisoyent à l'euesque, les autres luy estoient contraires.

## La genealogie des comtes de Hollande.

1 Theodoric premier prince et comte d'Holande l'an 863.	2 Theodoric son filz, qui fust aussi seigneur de Frisie	3 Arnoul filz de Theodoric	4 Theodoric filz dudit Arnoul	Theodoric comte 1035. Florent comte
---------------------------------------------------------	---------------------------------------------------------	----------------------------	-------------------------------	----------------------------------------

Apres la mort du comte Florent, Gertrude la vefue se maria à Rupert comte de Flandre, lequel gouverna la comte de Holand au nom de sa femme, et des enfans d'icelle. Cestuy cy fust appellé Frison pour quelque certaine raison que i' ay monstrée en la description de Flandre. Depuis il fust chaste de Hollande par Godfrey duc de Brabant et de Lorraine, lequel par force d'armes subiuga Holande et Zelande. Il domta aussi les Frisons, et les rengea soubz son obeissance. Depuis l'an de grace 1079. Theodoric filz dudit Florent survint, et sans resistance de personne, rengea soubz sa subiection ces deux regions, Holande et Frisie